

解

圍

元

數

解圍元藪卷一

明沈之問先生編輯 梁溪黃鐘樂亭甫校訂

六經三十六瘋總論

若夫嵐瘴蒸襲。日月靈光。

嵐瘴乃山川鬱薄沆瀣之氣。天道乖違。則彌漫充塞於六合之內。則日月蔽其光彩。如患癘風之人。濕熱邪毒之氣蒸襲。或服熱毒之藥。久則眼目昏暗。翳障注爛。自然失明也。

龍虎驕騰。波瀾泛湧。

雲從龍風從虎。乃陰陽物理之道。若龍虎失職。暴
傲逞威。則風雲倏陡。雷電交掣。淫雨滂沱。颶颶噓
吼。其波濤湧躍。泛濫狂越矣。如風癘之人。不惜身
命。冒犯賊邪。則氣血由之而蕩敗。惡證由此而變。
更大病既成。將何救治。

火炎崑崗兮。英華凋落。

火焰崑崗。則玉石俱成灰燼矣。煙炎狂湧。草木豈
能抵受。枝葉焦墜。根本傷殘。如風病之人。邪火內
盛。則毛髮鬚眉。焦燥敗耗。髓液乾枯。面貌不榮。肌

膚黃瘁不澤矣。

神離元牝兮。空谷傳聲。

老子云。谷神不死。是爲元牝。又云。元牝之根。衆妙之門。人之泥丸丹田。元神守之。如元神不守。則精氣離散。病將生焉。神既不守於宮。精神渙亂。元氣無依矣。則聲何從而響應。神氣之音。元神有虧。橐籥關節危敗。則音聲變異矣。如風病之人。邪火熾盛。致使精神散亂。氣血敗亡。橐籥會厭無從耳養。則語言錯襍。音啞呆噤之病。變更健忘顛倒也。

蠹花心而不實。

草木果粟之實。由花以結成。花之精靈。乃心上之簇粉也。若花之粉箱有損。則不結實矣。如花發時。被蜂蝶之蠹殘蝕其心。則不成實。總結亦難肥大。由此知人之元神在於精氣。元神全以腎水所鍾。若風病之人。不惜身命。恣貪色慾。敗損精液。如花之損心。則性命不能延永。

鷹餒鷹餒哉而爛腸。

鷹食諸禽之肉以養生。不食草木之類。宋王養一

鷹甚愛之意其食肉則肥健。日令庖人剛百鳥之肉。剝成團而啜之。恣其過飽。肉內又以椒辣之味和之。使其香而美也。鷹食過甚。不久腸嗝腐臭而死。如風病之人。宜節飲食。澹滋味。菜蔬調養。若不謹戒而饒食肥甘香辛美味。猶鷹食麪餅。非惟不能養生。豈得苟延殘命。

色如隨錦流霞。邪充五內。

渾身遍發斑駁紅腫。赤色黑色五色之紋者。乃寒濕風邪毒氣流注。充滿於五臟。泮渙於脉絡。百骸。

病勢已劇。內形於外矣。

形似熏煤磊石。血溢六經。

人賴氣血周流充潤。故肌膚滑澤。容貌光華。若面色如烟薰昏暗。或似煤炆晦黑。或塊壘高低。鰲敗灰塵之比。則氣血不守。內涸枯焦。元氣泛傷於外。精神敗蠹。離脫榮衛。大病已劇。若不速救。則夭折之患立至矣。風病之質。不過痛癢麻爛。億脹六種也。

古云頭面起者曰順風。腰足起者曰逆風。上部先見

上必盛下部先見下必多

人身十四經枝絡。絲系皆環於巔頂。交於百會。氣血周流。旦夕不息。五臟之竅。皆達於面。故面乃諸陽之會。獨能耐寒。諸氣相逼。故臟腑受病。先見於頭面。氣血皆向上。領毒上出也。若於腰胯之間。先發者。則氣血凝毒。搏滯關格。上下不舒。腿股厚實之處。不能藏蓄。若先見病。則氣血引毒垂下。而日益深沉。藥力難至。不易驅伐。經云。身半已上。同天之陽。身半已下。同地之陰。從上發者。陽中之陽氣。

從上出而爲順。攻之易散。氣反下行爲逆。伐之難於奏効。上部先病。邪聚於上。下部先發。邪併於下。丹溪云。氣受之則上多。血受之則下多。蓋氣之性冲上。血之性流下也。故上多病者。氣必虛。下多病者。血必竭。風本屬陽。癰本屬陰。故癰瘡於下部。先見易治。在頭面起者。必凶。又有遺毒之患。陽明胃與大腸。無物不受。曰百納之倉廩。風毒之氣。皆蓄於此而發。如布囊盛物。一有穿孔。皆從而泄之。風在人身亦然。如有穿爛者。則不能速斂。毒氣漸出。

也。

導痰去濕。利氣清陽。針委中。刺腫塊。耗泄毒血。治要之捷。萬類千方。不過如此。

風濕中人。虛火隨起。痰因火動。氣滯不清。腫處則毒凝聚。針之使散。且如有治紫雲腫塊者。以小艾炷灸之。火氣透入皮膚。捫引邪入走出也。委中穴。在兩足對膝後。臍中央。曲腓兩筋中。卽血郄穴也。三稜針出血。妙。八風八邪穴。在手足指趾本節背。後交叉中。虎口內。直針入三分。瀉多不入。經絡與

膀胱經之委中同治。癰風麻痺不仁。攣曲無力之症。

蝟膏附輕粉砒霜。切忌不可妄投。參芪白朮芎歸。尙且宜擇而用。祛風瀉火殺蟲排毒爲先。補血壯元導滯堅筋相濟。血足風自消。氣清風自散。是聖賢確論。萬古之下。豈能改乎。

世有妄醫。用八將追魂方。內有砒霜與土狗蜈蚣等件。又有一等粗人。妄用烏梢赤蠅等蛇。燬灰暗投藥中。與病人服。乃云以毒攻毒。其害甚大。古有

醉仙散以輕粉爲主。服之或一時苟愈。必使毒留
臟腑。百節鑄痛。至死不已。又使腫塊痿頓。蓋毒犯
心經。則肘膝腫大潰爛。筋節脫落。毒犯肝經。則眉
髮毵落。皮色放光不澤。毒犯脾經。則貪嗜囓食音
啞。眼皮坍塌。垂失明。肉堅塊瘰。口喎頭暈。疼痛。毒犯
肺經。則痰湧喉痺。鼻毀臭爛。手足攣曲。毒犯腎經。
則腰跛膝蹇。骨節痠痛。腦裂陰莖爛落。毒犯胃經。
則渾身疙瘡。膿穢腐臭。癰痿脹滿。或脾泄瀉痢。腹
痛。終身爲害。風癘之人。其熱必盛。故血液乾燥。皮毛

枯脫若又加附子川烏等熱藥。猶抱薪救火。人之
眼毛。扇掃塵埃。使不入目。故常閃霎。眇動。若燥熱
氈落。則塵埃無所祛掃。飛入目中。必常揩拭。漸致
眼紅。坍塌而成大害。且虛火暴虐。則真水必衰。若
又以烏附。謬言補陽。豈不助火邪。而燥其陰。腎水
乾涸。慾火熾盛。以速其死。又謬云。用蛇蝎等藥。以
毒攻毒。欲劫病於一時。以誘財利。不知癩風由毒
積成。又遇毒藥。以火濟火。如寇遇夥。類聚混淆。反
助賊邪。鑽透骨髓。蠹戕元命。豈可用乎。蓋風病血

虛卽陰虛。庸醫疑以大補爲主。用人參黃芪。不知黃芪乃補氣之劑。服之反助陽邪而耗陰血。經云血虛服氣藥。則血愈虧。病必日增。過多則死。如水在溝潭。風捲必涸。故血虛忌用氣藥。人參益氣生津。和中。病後僅可服之。又助太陰之火。故肺熱者宜忌。况多服必有參毒。發喘湧痰。總不如玄參。揖血歸元。祛五臟之游火。爲風科之要濟。白朮調脾去濕。川芎爲血中之氣藥。行血滯於氣分。當歸爲血中之主藥。活血各歸於其經。始治必用之。爲綱

領古云醫風須補血。血足風自滅。又云醫風須理氣。氣清風自去。極有旨趣。壯元可不痿。堅筋可不攣。豁痰則氣自清。降火則血可養。此治風之要也。須戒嗜欲。絕女色。禁食一切動風傷血敗氣腥鮮辛。甘膩果粉麪。方可延生。否則雖愈必發。

風病之人。不忌毒食。乃加重之端。不戒女色。實速死之兆。故丹溪言。治五人止一貧婦。淡薄且寡。得永天年。禁戒之專也。餘皆不免再發。不守禁戒之咎也。孫真人治四五十人。終無一人免於再發。非

眞人不能治。蓋無專心守戒者也。其猪肉羊肉動
氣。發風。牛肉驢肉沉疴頓起。燒酒動火。麴酒動濕。
肥甘美味。皆宜忌之。惟烏魚功並蚺蛇。蝮蛇殺蟲
最勝。烏鰂涼血補元。食之又助藥力。凡椒芥葱蒜
姜茄大能發病。猶當絕之。若不嚴戒。雖愈必尋毒
而生。疥癩蝕癬之類。漸滋舉發。爲喪命之機。

藥病總說

三十六種風症。不過痛癢麻爛腫憊之類。一百八道
方藥。皆排毒殺蟲補血壯元理氣之劑。諸賢秘論各

檀門牆自古聖賢遇病立方。議論參詳。各據一理。癘
風多種。所由不一。且如北人剛勇而地高燥。南人風
氣柔弱而地卑濕。閩廣多有嵐瘴蟲毒之氣。江淮常
受汝水寒冰之傷。海島風濤。山谿妖魅。貽害無窮。丹
溪專攻外感。理氣清陽。利於南方。東垣治內傷。導
痰去濕。利於北方。孫真人王好古許旌陽。拘朴子等。
或以殺蟲排毒。或專補血壯元。或惟調氣清神。各有
大意。而制方無不驗。然諸家各有秘旨。後人若能辨
症用之。自有效驗。須博覽各家之術。約而選之。定有

待節如得一方。便誇能治。必無皆驗之理。且如五龍丸。有斬關奪帥之功。千年藥有起死回生之妙。癰爛敗絕者。非東華玉髓不能復其原。斑爛舛錯者。捨馮夷瓊漿。烏能掃其跡。若合其宜。如弩發機。若違妄用。如水澆石。

黃龍丸。卽水煮黃香丸。能治三十六種大風危症。烏龍丸。治風症內熱痰火上攻。并周身乖癩燥癢作痛。白龍丸。又名捕龍丸。治上半身痛風極凶者。花龍丸。又名渾元丹。治腰半以下腿膝大痛者。赤

龍丸卽一粒金丹。治痛風遍身抽掣。日夜叫號者。
千年藥。乃祖師遙過張真人遺下。平分家產方。又
曰靈寶千年大藥。治三十六種大風。十四般大癰。
無所不効。東華玉髓。乃大風子油膏。治爛風瘡穢
者。馮夷瓊漿。又名推雲酒。治五色疔瘡。雲顏麻木
者。若對症用之。無不奏效。若亂投妄用。則不見功。
必須脉藥相配。診視相忝。對症施治。隨手獲功。執方
膠固。彌紊何靈。

凡有一般症候。自有一般脉色。辨診不同。古有形

診聲診色診脉診之條欲觀其形貌而診驗吉凶。如頭爲清明之府。若傾視則神將奪矣。背爲胸臆之府。若胸曲肩垂則氣將壞矣。腰爲腎之府。若轉搖不能則神將竭矣。骨爲髓之府。若不能久立行動振掉則骨將敗矣。筋爲血之帥。若攣曲不舒則血將枯矣。此爲望形之診也。欲聽其音聲而診驗吉凶。如語先輕後重高厲有力則外感有餘也。若語先重後輕沉困無力內傷不足也。此爲聞聲之診也。欲觀其色而診吉凶。如青者欲如蒼璧不欲

如藍如翠羽者生。如草滋者死。黃者欲如羅裹雄
黃。不欲如黃土。如蟹腹者生。如只實者死。赤者欲
如綿裹硃砂。不欲如赭。如雞冠者生。如衄血者死。
白者欲如鷺羽。不欲如鹽。如豕膏者生。如枯骨者
死。黑者欲如重漆。不欲如地蒼。如鳥羽者生。如煤
炆者死。此爲觀色之診也。脉經云。癰脉陽浮弦。關上
也。陰實大。關下兩寸浮而緊。或浮而洪。浮緩者易
治。洪大而數。或沉實者難治。脉若沉者病反在上。
浮者病反在下。皆不治。此爲切脉至而診吉凶也。

故曰陰陽配偶方脉忝詳此理通徹則藥對症何
憂治而不愈哉。若執一死方以治諸症。非惟無益。
反害于人。

然導痰祛濕。如蒼朮、白朮、南星、半夏、貝母、皂莢、茯苓、
阿膠、厚朴、玄明粉、瓜蒌仁、胡黃連、青礬石、銀柴胡之
類。

濕而臃脹痰結者。非厚朴不消。玄明粉止。可爲丸
服。不宜入湯液。濕痰成塊者。阿膠專主。爲末服之。
若水煎服。則臭而無功。皂莢打痰。從大孔出甚速。

銀柴胡治肺熱之神藥。癘風聲濁。痰臭者必用之。止入丸散。不入湯液。若骨蒸寒熱者。一見胡黃連。卽愈。亦不入煎劑。煎則無功矣。

利氣清陽。如沉香、檀射腦、乳沒、木香、縮砂、豆寇、益智、遠志、升麻、犀角、珍珠、丹砂、牛黃、柴胡之類。

氣閉則陽微。氣結則血匿。諸香皆能開導幽微。隱僻之鬱。通達關竅。氣滯非提不起。必須升麻、柴胡之屬。牛黃、珠粉等件香劑。能消氣聚之塊。止宜丸散。不入湯液者。以火炒水煎。則味愈苦。令人嘔吐。

噦。噦。况有諸香不宜見火之說。

祛風散邪。如羌活、麻黃、荆芥、紫萍、苦參、風藤之類。

病以風名。皆由風濕寒暑之感。若不發散。邪氣何能消溶。羌活之類皆不可缺。苦參最殺風癘之蟲。瘡癰皮內之蟲立死。服之五臟蟻蟲立去。方中必用之聖藥也。

補血生液。如當歸、玄參、紅花、茜草根、紫草、血竭、鹿茸、夏枯草、桑螵蛸、原蚕蛾、生地黃之類。

玄參去五臟之游火。捫血歸元。紅花去死血生新。

血爲治風必用。戴元禮云。夏枯草爲血虛所宜。桑
螵蛸之補陽填精。比于人參有霄壤之功。晚蚕蛾
有再生精髓之捷。血竭乃去積瘀血作痛之卒徒。
故多用之。

蕩滌積滯。如代赭、皂莢、雷丸、蜂蜜、人牙、干金子、人中
黃之類。

油膩脂膠之積。緩腸胃。非皂莢不去。代赭石名血
師。專排血積瘀凝。善活血不使彎曲。雷丸去積殺
蟲。止可用于男子。婦人服之。必脹悶腹痛發昏甚。

則顛呆痰涎湧塞。故男子用雷丸。婦人用皂莢。

劫殺蟯蟲如錫灰。黃芽雄黃。鶴虱。杲實。鷺翎灰之類。

黃芽糞中蛆也。于四月內未食茄子之前收者方好。以濃茶滴養。淘炙香。方無油泛。專祛蟲積。鷺翎

灰最殺風瘡中蝕蟲。若皮內癢疥蟲。非此不除。

麻痺癱瘓如菖蒲。天麻。草薺。防己。秦艽。菴蓂。胡麻。香蛇。漏蘆。石斛。蒼耳草。白疾藜之類。

血枯必痛。血凝必麻。須用補血逐血之劑。故草薺之補陽。菖蒲之升陽。菴蓂草乃風病元氣虧乏之

聖藥。非止癰瘰者用之。

筋攣肢軟。如苡仁、牛膝、杜仲、續斷、狗脊、萎蕤、白花蛇、仙靈脾之類。

風注四肢。非萎蕤不能上下左右蒐逐。又能消燥諸般毒物。陽痿筋攣。非仙靈脾不能興起。乃大補元陽之藥。實救本之妙藥也。

愛食瓜果者。須倍射香。耽嗜麪孽者。必求枳椇。曾服汞粉。定用鉛磁。若進毒藥。急行和解。參芪之性。不及升柴。此特大畧。博而約之。

治風之法。先散寒邪。次攻蟲毒。次調元氣。次養陰血。待風散蟲死。血足氣清之候。再拔瘡穢。舒其筋而伸其攣。滋生毛髮。則病愈不發。補益之藥。終身服之不可止。乃不刊之秘論也。若欲速不分次序。則隨得隨失。變駁反掌。非惟無益。必反害之。如升麻能使濁氣從右而上散。柴胡能令清氣從左而上達。參芪惟能助氣。而反附陽邪。以損陰血。風癩以養血清陽爲要。故參芪不及升柴之提散洞達。經絡開導肌表也。射香能消諸瓜果之毒。發渴者。

乃瓜果之積用之卽消。枳椇卽金鈎樹子能祛酒毒。好酒之人宜服之。黑鉛、磁石、花椒專收輕粉水銀之毒。恐庸醫暗投故宜服之以免發毒。此用藥之大畧也。

近世專用大風子爲良方。不知此藥性猛大熱。有燥痰劫血之迅力。製煉不精則病未愈而先失明矣。大風子卽海松子又名丟子。因其專能治風而名也。生於東海日出燥炎之地。故性大熱。能直入肌骨殺蟲祛濕。夷人稱爲丟子。當果食之以治百病。

蓋海島之俗食生物者。腹多蟻蟲之毒。服此以蕩
滌之。如閩廣人食檳榔以禦風瘴也。其肉上白膜
最能損目。其油最能敗血。如生食之。傷人臟腑。其
性怕鹽。見鹽物卽消之無用。故服此者必忌鹽醬。
若得麻腐與之同服。則功愈勝。須專門用之。製度
有法。則功勝於諸藥。若無傳授而道聽妄用。非惟
無功。反生他害。丹溪云。大風子有燥熱之毒。能敗
血動痰。損人之目。信不誣矣。且據富翁陳善長患
風年久。求予先君治之。先君思善長耽於酒色。日

不間斷。必難治。固辭不藥。善長密賄予家老奴。盜傳製大風子之法。善長依法製度三年。共食大風子肉七十餘斤。其病脫去。絕無他患。一日持禮幣至予家。謂先君曰。昔年求治。力辭何也。先君甚赧。顏厚謝老奴而去。始知盜方之弊。想風病損目。難歸咎於大風子。蓋世之不食大風子而瞽者甚多。後人不可泥於紙上之語。

始以湯藥宣暢。次以膏酒灌融。丸散調護。王道之常。風癩之藥。煎劑奇方。最能速效。逐散風邪。通暢脉。

絡無留毒之患。第恐蕩敗脾胃。故不宜久服。一見
病勢稍緩。卽進丸散。以厚脾胃。其葦薤苦參蒼耳
八寶歸朮丁公藤等膏。捷於却病補養。但恐傳授
無脩煉之法。其藥酒雖人喜服。切不可施於初病
之時。且風疾初起。病尙點滴塊癰。未曾散漫。若卽
用藥酒。迫排氣血。領毒遍透脉絡。則遍身皆病。難
治矣。須待病愈之後。防其再發。宜服藥酒。使藥力
鑽透肢體。把截毫竅。基固神堅。邪毒不能再犯也。
其腦射牛黃金石香料。不入湯液。又忌見火。惟和

丸散服之功力合宜而順。故治風者。先須湯液。次用丸膏。愈後方進藥酒。爲治法之序。

世有妄徒。盜習火劫蒸燒之術。愚人爭赴。戕害深可痛也。夫風病根於臟腑。既發於外。其勢已減。何又煨逼使毒氣復入。假火爲禍。暫雖少爽。禍不旋踵。

風癰之病。穢積蟲毒。先傷臟腑。延注筋骨。譬如寇入。驅出卽禍滅。追之爲上。何故又加蒸熨。劫之復令毒氣回伏。膚腠潛入肌脉。假火鬱之勢。流毒既開之孔竅。仍傷臟腑耶。且人身毫髮孔竅。一見火

氣百孔皆開。何氣不入。舊邪未息。新邪又入。初則
毒氣禦火。暫離肌表。必然皮毛顏色頓改。骨節痠
折。疑是愈而爽快。愚人喜以爲美。非吉兆也。乃新
舊邪毒入鑽之故。爲加病之漸耳。夫病人血氣已
弱。再犯火毒。則氣愈敗。血更衰。津枯骨燥。若至七
七日外。火熨濕熱之氣。在內尋注經絡。充竈臟腑。
必使皮肉堅硬而痠痛。瘦弱無力。精乏目暗。肢軟
足蹇步澁。再不避風寒。戒酒色。必至腐爛失明矣。
宜速解救。以免大害。且風蟲因內熱而生。復得火

濕愈加滋蔓。仍傷髓液。至一百二十日後。其火鬱
濕熱之氣。流遍周身。病勢反凶於舊。急宜用解藥
掃拔禍根。多有氣血衰弱者。隨蒸而斃。人猶不畏
何哉。若未曾服藥。使用蒸熨。則驅毒氣深入骨髓。
淆蕩血液。若已服藥。既攻毒氣欲散。烏可復邀鬱
聚。初治行之。使毒氣勝于正氣。禍不旋踵。後治行
之。使毒氣入於新元。禍仍僭亂。急則急危。緩則緩
害。戒之戒之。故丹溪云。必先殺其蟲。瀉其火。然後
生益涼血。祛風遏滯。降陽升陰。雖治法頗多。大都

不外乎此。夫丹溪尚如此。後人何可用蒸燒之劫。而害理殃人乎。

點刺鋒鏃。慘楚何益。針灸薰洗。緩泄還宜。

凡風癘所起之處。每難全愈。欲其全愈。必追毒併歸於此。然後以藥點之。使爛。而方迹熄。根滅也。若病未愈。不可周身塗點。其點藥之性。熱過於火。毒過於鴆。若點遍身。則熱毒圍攻。焉能當之。又每有妄徒。以針刺破皮內。用醋墨塗之。使爛。妄言攔阻病勢。不知病根鑄於腸胃。年深發見於肌表。先從

髓液透出。豈可於皮外刺爛。而能阻之乎。空受痛苦。而結痂痕。疥瘡。使形醜貌陋。其病反加。未見毫釐效驗。其或濕痒。痲痺。腫塊。皮肉脹大。血死漬實者。可以鋒鏃敗泄。如紫雲白癰。血癰等症。可以小艾炷團團灸之。使艾火引毒漸泄。雖疼痛一時。亦能提散毒氣。若乾風痺燥之症。氣血尙且不足。烏可又行鋒刺。愈加耗竭。肌膚之間。全憑血液轉使。筋枯力乏。手足不能運用。其皮膚痲痺者。乃血液虧損之故。內頻服藥。外頻熏洗。內外應合。引其經

絡之間新血充足氣脉漸漸榮活而愈矣切不可驟用點刺鋒鍼暴虐慘酷剝害膚體况風癰非一時可愈者總不如令其服藥緩緩奏功爲上且風癰之人氣血必衰治風癰之藥無非克伐迅劑治之將半卽宜用補劑扶其根本不可伐盡氣血致津液乾枯形神憔悴而損遐齡用藥尙然豈可妄下針鎌霸道之毒手以速其死乎

癰症一十四種六府所屬

大風症名考究諸書悉無遺失病源云風癰一症

輕重之別耳。其害則一也。癰愈形猶可復。風愈元氣難全。癰死者少。風死者多。大都皆非善症。轍跡一類。

曰火曰蟋蟀心之癰也。

火癰

此症初起如火灼之瘡。大小不一。或如癰皮裂。斷肢趾。愈又復發。由心臟受毒。七年病根方盛。眉睫落。大勢成。手足痿。又有一種遍身點滴紅紫。生於皮膚之上。形似癰痕之狀。不過十數日。漸自散去。或丑六日。

亦自散。後結心毒生瘡。不能速愈。亦能傳注於人。

蟋蟀癩

此症乃火癩之後。餘毒內結。變成形如蟋蟀蟲紋。內泛鑽鬬。百節諸竅皆欲出血。額爛鼻朽。口唇毀斷。齒牙脫落。癰疽難動。或時驚跳。戰兢多懼。或眼赤爛。泪疼。乃心火燄烈也。

曰木曰風。肝之癩也。

木癩

此症初起如蟲癬之狀。大小不一。其色赤白不一。或

連錢高低不定。俗稱棉花瘡。久則連片腐爛。腥穢。眉
睫落。面目痒。愈而又作。或去或來。無時定息。三年始
成大害。肝敗難治。又有一種如棉花之核。其粒高起。
硬痞者。火變成蝕。癬不愈。

風癩

此症乃木癩之後。毒蓄肝經。則四肢骨節筋骸掣痛。
甚者叫喚不能轉側。皮毛枯槁。肘膝大小狀如鶴膝。
白虎風。腐穢癰瘰。聲變形異。或結於脇肋。腹肚上爛。
至腸胃。或爛去耳。瞞皆癩之毒也。

曰土曰蛔脾之癰也。

土癰

此症初生塊癰。先發潮熱。或嘔吐。或黃腫大如雞卵。小如彈丸。或如麻豆。穿卽成瘡。膿滋腥穢。由脾受賊邪。灸燻毒味。禽獸魚鱗。久而成之。急治則可。若至六年。病成禍速。人聞其氣息。卽染成病。遺害甚大。

蛔癰

此症乃土癰之毒。潛注脾臟。流於四肢。則垂重難舉。手足肘膝腐爛。膿血臭穢。或指趾毀落。腫大如車軸。

癰痺注爛直見筋骨。痛憊而死。或發於胸臆肋背。先腫如痞。後又穿爛日久。叫號刺痛而死。曰金曰麵曰白。肺之癰也。

金癰

此症初發如楊梅之狀。上無蓋殼。內泛碎突出。紫赤色。爛花凸起。儼若楊梅。由毒入肺經。不久眉睫翳落。三年鼻柱崩倒。眼翻唇斷。此乃天付之咎。陰空神祟之禍。定有遺毒。久治方可挽回。夫意不比他種。可以速愈。

麤癩

此症乃金癩既愈。餘毒難消。蠹存肺臟。致生如麤細蟲。舉體艾白斑駁。周身或如痺癬。儼如泥壁風狀。惟外加熏洗。則能取效。

白癩

此症乃寒暑濕熱之氣。邪毒蘖襲。瀰漫肺竅。積生惡蟲。蠹嚙肺管。使聲破目暗。肢體頑痺。骨節中如火燃。心胃燥熱。手足背脊拘緊。肉如剗劈。以致身體手足癢癢。鼻生息肉。氣塞不通。濁涕流涎。山根高腫。腦門

時痛。或目生白翳。無光。多爲鼻癰。外不發瘡。人皆不識此癰。故治之無效。

曰水曰雨曰烏腎之癰也。

水癰

此症必先得水病。因而停留。又爲風濕觸激。或生陰莖疔蝕。或陰囊兩傍發起腫塊。長絆腿腰。形似橫痃。寒熱交作。脹痛難舉。上下漸大如潰。卽變成瘡。遍身腐爛。一年眉髮落。病劇難治。

雨癰

此症乃水癩愈後。餘毒在腎。以致生蟲。其毒泛注周身。生五色斑點。乖癩眉鬚。耗落陰莖。痿爛。或陰囊破損。或陰莖蛀幹。皮肉流膿。漸漸爛去。輕則爲下疳魚腮等瘡。久則唇鼻耳瞤。皆爛。毀腐腥臭。與廣症同。

烏癩

此症乃邪毒入腎。變生惡蟲。食嚙精髓。下虛無救。若胃脇肋腿臀股間。生如李奈桃梅狀。顆塊軟泡。穿爛腐臭難治。或如漏瘡。或癰癤赤黑。手足頑痺。針刺不知。或脚不能蹈地。或飲食時則開口而鳴。或兩肘如

繩縛或穿處則腐爛流膿粘着卽生腐瘡或皮肉淫
癢怕見風濕或平時骨間淅淅瘦响皆當大補氣血
爲主。

曰酒曰麻胃之癰也

酒癰

此症因酒色之時汗出體虛迎風入于胃腑遍身生
瘡大者如錢小者如豆不赤不白灰黃變形膿膿粘
堆。或有不飲酒之人素受寒濕風邪微見酒氣汗出
迎風亦然。或有好罔性急燥暴色慾過度之人多犯

此症久則眉髮能落。令人惶懼難治。

麻癩

此症由酒癩之後。毒留胃腑。遍生毒瘡如癬疥。淫癢難忍。或手足掌背頑痺不仁。黑白不等。形如雁來鵝掌風之狀。或如牛皮血癬。時痛時麻。蟲蝕脾胃。或發肉痣。頭硬而碎。形如蟬木。遍身皆然。人呼散頭木。觸之則大痛。冷汗一二時而息。

癩症總論

夫治癩之方與風少異。凡散點擦各有秘傳。切忌熏

鎌輕粉

凡患風癰。決非一種。或二三種者有之。甚至有四五種者。先傷一臟。則注各經。故年久者。形色變駁。病勢愈甚。且如風病先染冷麻。而變紫雪黑色者。有之。先染痛風。而成半肢軟癱者。有之。先染火癰。腫大穿爛。手足廢弛。筋骨痛痿者。有之。故治難以一定。方藥不能驟攻。愈一症。而他症變駁。反見其勢凶也。又有風癰同患一人者。若先染風病。後患癰症。曰風癰。先患癰病。致成風病者。曰癰風。此等

最多。癩風則先治其癩。癩愈方治其風。風癩則用治風之藥。後加治癩之劑。此是大意。治至半愈。卽服解毒大補氣血元陽之劑。勇進三年方可。經云。逐五臟之邪。鬼開門方死。瀉膀胱之濁穢。淨府始潔。倒陽絕慾。勉強矯揉。內養靜脩。仙機妙運。

魂魄屍神之竅曰鬼門。掃蕩臟腑之穢惡。則清氣得以升降運育。自然形容潤澤。若穢濁之滓沉滯下元。則九竅不清。十四經晦塞。祛滌其穢。則源清流遠。陽氣舒暢。而精神爽悅。上下清明矣。故制烏

龍丸之劑。一進以靖內汗之濁。風癩之人。五火俱盛。陽事易舉。若不愛命而近女色。則服藥斷無功效。欲其不舉。不得已以藥倒之。病雖可愈。又恐斷人生育之根。陰陽相關。若已有子者。則全其現在之命。絕其喪命之端。未爲不可。若未有子嗣。則宗祀爲大。切不可行之。然倒陽之秘。有用藥者。有用功者。妙在心傳。此理非庸人可知。若病人聰達。授以元門內事。靜脩導引之功。使內固丹基。外安神役。再進藥力。併攻。則其壽無疆。此方得英敏之士。

方可行之。若愚妄利徒。非惟不能盡術。反使冒瀆
聖賢再針灸之法。前後無忌。點藥止可用於愈後
除根。墨刺之端。始終不可用。若鋒鏃一有不當。則
刀口引風入內。令人殘痿枯敗。戒之戒之。

吁。醫司民命。藥有良毒。不讀方書。懵然無據。死生關
係。陰陽非輕。患風癰者。當保惜天賦。毋從愛憎。毀譽
之口。自宜揀擇。醫之良拙。治風癰者。當敬畏天譴。毋
貪欺詐。苟且之財。害人之命。

人患風癰。命懸旦夕。求醫調治。死生攸關。務得高

明仁厚之人。方可倚托。往往見人不擇醫工之精粗。但見其自逞矜誇。不讀方書。盜襲死方。欺罔奸佞。惟貪輕信。或倩人薦拔。粧點巧譽之言。卽從而治之。豈不殺人乎。且風癰之科。一症有一方。其人止學得一二方。豈能悉治諸症。如紫雲之藥。不能治爛風。痛風之藥。不能治癢麻。漏蹄之方。若治癰。攣則反爲害。庸俗何知之。病者旣欲延生而求醫。若不揀選。實輕命也。痛哉惜哉。夫癰風乃十三科之首。此論亦十三科中妙訣。反覆精詳。不爲不備。

後之君子得之。則瞭然無所窒碍矣。夫城池受困於寇。卽如人身受蠹於風癩。形質一也。以兵攻賊。如以藥攻病。籌猷一也。寇不退。則城池崩陷。風不消。則元命傷殘。患害一也。欲救城池。必運神機。欲救人命。必行妙術。妙用一也。所論風癩之理。皆明此書所治風癩之藥。皆備此書。更無遺隙矣。用藥如用兵。保釐如救命。療人之病。以復元命。解城之圍。以活蒼生。輕重之殊。實元元之妙法。深淵之大澤也。故曰解圍元藪云。



角田元藪二卷終

解圍元藪卷三

方藥目次上

煎方一

心風丸方二

煎方三

肝風丸方四

脾風煎方五

脾風丸方六

肺風煎方七

肺風丸方八

腎風煎方九

腎風丸方十

胃風煎方十一

胃風丸方十二

通經利竅湯十三

白玉蟾遺方十四

白玉蟾丸方 十五

白玉蟾末藥方 十六

白玉蟾浴湯方 十七

白玉蟾蒸法 十八

白玉蟾擦藥方 十九

大瓢李遺丸方 二十

大瓢李末藥方 二十一

人參固本丸 二十二

煎方 二三

孫思邈真人煎方 二十四

孫思邈真人丸方 二五

邈邈張真人靈寶延年大藥 二六又集分家產方

神效奪命還真丹 二七

東華玉髓 二八

神效追風丸 二九

搜風四七丹 三十

神仙換骨丹 三一

六消風散 三二

救苦回生丹 三三

班龍八帥丹 三四

奇效良丹 三五

一粒金丹 三六。又名赤龍
龍又名一錠金

搜風順氣丸 三七

保真丸 三八

二八濟陽丹 三九

六神輔聖丸 四十

四魔丹 四一

火龍散 四二

棗靈丹 四三

小棗丹 四四

守中丸 四五

祖傳玉樞丹 四六

煎藥方 四七

補舊湯 四八。又名救苦湯

神釀丸 四九

神守散 五十

雄漆丸 五一

參翎丸 五二

吳氏苦參丸 五三

調榮丸 五四

大定風丸 五五

駐車丸 五六

如意通聖散 五七。又名
麻黃赤芍湯

八將驅邪散 五八。又名八將追
魂丹又名三厘散

退藥 五九

補藥 六十

陽起聖靈丹 六一

鉄魔丹 六二

保命丹 六三

搜風無價丸 六四

八仙丹 六五

射老丸 六六

利藥方 六七

小還丹 六八

六和定風散 六九

轆轤丹 七十

長春丸 七一

固命丹 七二。又名飛步丹

五子芥風丸 七三

順氣散 七四

二九還元丹 七五

二聖散 七六

戒止丸 七七

參靈丸 七八

烏龍丸 七九

洞虛丹 八十

清平丸 八一

蒂菰丸 八二

胡麻丸 八三

獨聖散 八四

跨鶴丹 八五

靈芽蕊珠 八六

雄漆丸 八七

蓬萊棗 八八

聖散子 八九

花龍丸 九十。又名濕元丹

白龍丸 九一。又名捕龍丹

香身丸 九二

大衍丸 九三

仙花膏 九四

水製黃香丸 九五。又名黃龍丸

治鷺掌風雁來風方 九六 共五方

白癰風方 九七

三分散 九八

四物湯 九九

人參敗毒散 一百

補中益氣 百零一

方藥目次下

參朮遇仙丹 百零二

子和方 百零三

第一神效散 百零四

第二清氣散 百零五

第三大皂丸 百零六

第四消風散 百零七

第五順氣丸 百零八

大風丸 百零九

大麻三方 一百十

發表攻裏散 百十一

丸方 百十二

奪命丹 百十三

丸方 百十四

擦方 百十五

洗方 百十六

遠年大風煎方 百十七

丸方 百十八

洗方 百十九

萊藥西江月

百二十

草方

百廿一

既濟丹

百廿二

除根方

百廿三

甦骨丹

百廿四

擦方

百廿五

藥酒方

百廿六

黃白丹

百廿七

漱風散

百廿八

養龍湯

百廿九

脫胎丹

百三十

苦參丸

百三一

定風酒

百三二

碧霞漿

百三三

無憂酒

百三四

甘醴

百三五

神仙酒

百三六

烏茶酒

百三七

推雲酒

百三八
又名
馮夷瓊漿

浴藥方

百三九

治冷痛麻風

百四十

苦參膏

百四一

仙黃花膏

百四二

希莢膏

百四三

鉛汞膏

百四四

百花膏

百四五

烏飯膏

百四六

太乙神漿

百四七

四聖膏

百四八

五灰膏

百四九

黑雲膏

百五十

通天膏

百五一

九子油膏

百五二

長肉膏

百五三

坎離膏

百五四

三白膏

百五五

小春膏 百五六

青白膏 百五七

二聖膏 百五八

雁來風 百五九

佛手膏 百六十

千槌膏 百六一

呼膿膏 百六二

水成膏 百六三

升平散 百六四

雲翎散 百六五

雨霖丹 百六六

雷公散 百六七

牙霜丸 百六八

紅玉散 百六九

珠雲散 百七十

輕蛤散 百七一

半夜散 百七十二

四魔粉 百七十三

香兒粉 百七四

香珠散 百七五

四聖散 百七六

香蒲丸 百七七

擦方 百七八

生眉方 百七九

治口眼喎邪神效方 百八十

附雄散 百八一

掃雲丹 百八二

白雄散 百八三

紅玉散 百八四

消斑散 百八五

飛白散 百八六

消毒丹 百八七。又名太白散

舒掌湯 百八八

虎跑泉 百八九

蘭湯 百九十

烏龍湯 百九一

仙授方 百九二

五草六木湯 百九三

濕風痛風方 百九四

三宣湯 百九五

八葉湯 百九六

倒陽方 百九七。又名石蚕散

蚺蛇油 百九八

敗猪血散 百九九

生瓜散 二百。又名敗花散

蒸法 二百零一

熨法 二百零二

洗薰法 二百零三

治癰瘡法 二百零四

擦方 二百零五

煎方 二百零六

雙根沙皮飲 二百零七

丸方 二百零八

煎方 二百零九

七聖散

二百十

白通湯

二百十一

荊神飲

二百十二

火珠漿

二百十三

黃龍髓

二百十四

杞頭湯

二百十五

番白飲

二百十六

八仙湯

二百十七

三川神應湯

二百十八

三分散

二百十九

黃白大丹

二百二十

坎離丹

二百二十一

棗靈丹

二百二十二

三母五子丹

二百二十三

定痛飲

二百二十四

七神湯

二百二十五

歲桃漿

二百二十六

胡麻飯

二百二十七

蟪凡丸

二百二十八

糖岸散

二百二十九

天塵丹

二百三十

保真飲

二百三十一

虛鳴湯

二百三十二

乳酥湯

二百三十三

胡麻飲

二百三十四

肉核油

二百三十五

治結毒方

二百三十六

又方

二百三十七

雷公散

二百三十八
即再造散

醉仙散

二百三十九

神仙紫花丸

二百四十

芥硫丸

二百四十一

奪命丹

二百四十二
又名九龍丹

活血丹

二百四十三

羌活愈風湯

二百四十四

防風通聖散

二百四十五

加減通聖散 二百四六

烏龍順氣散 二百四七

五積散 二百四八

小續命湯 二百四九

解圍元藪卷三

明沈之問先生輯 錫山黃 鐘樂亭氏校訂

六經湯丸秘方

心風 先傳肺經外證損目

煎方一

防風 細辛 南星 白茯苓 薄荷 大茴香

桔梗 山梔 各二兩 當歸 首烏 羌活 牛膝

牙皂 蟬殼 枳實 玄參 川芎 附子 各一兩

加姜棗水煎服十劑如有痰再加薄荷一兩 右

藥分兩均作十劑

丸方二

羌活 防風 黃連 柴胡 獨活 全蝎去頭足用土炒

白芷各一兩 當歸 谷精 地骨皮各二兩 白茯苓

芍藥 熟地 茯神 遠志各一兩五錢 乳香 沒藥

檀香各六錢 細辛 七錢 姜蚕 八錢 射香 三錢 甘菊 三兩

去子肉半片 風藤 二兩

右爲末蜜丸或黃米飯丸如桐子大飛硃砂爲衣
每服三錢用前煎藥送下日服三次

肝風 先傳脾經外證發紫胞

煎方三

防風 半斤

玄參

當歸

牛膝

柴胡

芍藥

蟬殼

各一兩

胡麻

草烏

各四兩

白芷

官桂

各一兩五錢

有疫加乾葛二兩

右藥均作十劑服

丸方四

防風

荊芥

葛根

丟子

四兩

胡麻

當歸

草烏

玄參

麻黃

附子

各一兩

蒺藜

乾姜

皂角

桔梗

牛膝

川芎

羌活

甘草

各二兩

全蝎

一兩五錢

苦参

五兩

右爲末蜜丸桐子大青黛爲衣

脾風

先傳腎經外證遍身頑癬或時刺痛

煎方五

防風

當歸

風藤

各三兩

玄参

川芎

甘草節

枳實

陳皮

白芷

桔梗

枳殼

烏藥

各一兩五錢

木香

一兩有痰加半夏一兩五錢均作十服

丸方大

玄参

枳實

當歸

陳皮

白芷

胡麻

乾姜

厚朴

滑石

各二兩

防風

半斤

川芎

甘草

姜蚕

芍藥 麻黃 草烏 蟬殼 羌活 全蝎 木香

各一兩 右爲末密丸用鬱金黃柏末爲衣

肺風 先傳肝經外證眉鬚髮焦耗

煎方七

玄參 川芎 知母 滑石 半夏 蒺藜 牙皂

黃芩 牛膝 胡麻 羌活 乾姜 桔梗 木香

當歸 各二兩 有痰加防風三兩右均作十帖

丸方八

當歸 牛膝 防風 蟬殼 獨活 各四兩 羌活

胡麻 石膏 首烏各三兩 荊芥六兩 姜蚕 全蝎

南星 白芷各二兩 玄参 五兩

右爲末，蜜丸，滑石，半夏末爲衣。

腎風 先傳心經，外證脚底穿爛。

煎方九

甘草 麻黄 防風 羌活 薄荷 茯苓 桔梗

各一兩 川芎 當歸 厚朴 半夏 知母 黃柏各二兩

兩 獨活 大黃 苦参各四兩 滑石五兩 有痰加石膏

三兩，均作十貼服。

九方十

桔梗 川芎 白朮 丟子各四兩 當歸 甘草

厚朴 木香 乾葛各一兩 牛膝半斤 人參 乾姜

白芷 全蝎 麻黃各二兩 天麻一兩五錢 白花蛇五錢

右爲末蜜丸用百草霜爲衣

胃風 遍傳五臟外證渾身潰爛

煎方十一

羌活 澤蘭 藿香各二兩 蒺藜 柴胡 防風

細辛 白芷 薄荷各三兩 荆芥四兩 獨活 木瓜

牛膝 連翹 黃芩 生地 山查各二兩五錢 菖蒲

枳實 陳皮各一兩 麻黃一兩五錢 有痰加貝母 石膏各

一兩均十劑

九方十二

荆芥二兩 蒺藜 天麻 白芨各一兩五錢 獨活 柴胡

羌活 木瓜各三兩 風藤 皂莢 厚朴 前胡

貝母 蒼耳子 金銀花各一兩五錢 射香二錢 乳香

檀香各三錢 紫背浮萍四兩

右爲末蜜丸甘草大黃末爲衣

通經利竅湯 此藥三十貼按日服之但風癰

初服藥起須以此開經絡

第一日 十三

大黃 荆芥 桔梗 歸尾 黃芩 羌活

各一錢

防風 連翹

各一錢二分

防已

白芷

各八分

牛膝

七分

甘草 五分

第二日

大黃 羌活 防風 桔梗 白芷 防已

各一錢

歸尾 獨活 荆芥 牛膝

各八分

甘草

五分

第三四日

羌活

桔梗

防風

黃芩

各一錢

白芷

荊芥

防已

獨活

牛膝

歸尾

各八分

甘草

五分

腹中有積

作痛加製大黃一錢心痛大腸不利則用生大黃

一錢

第五六七八日

羌活

獨活

防風

荊芥

各一錢

歸尾

芍藥

防已

連翹

黃芩

各八分

甘草

五分

如腹痛大便不

利加大黃一錢

第九日

大黃 荆芥 羌活 獨活 防風 川芎 各一錢

當歸 牛膝 黃芩 白芷 桔梗 各八分 甘草

十日至十八日同惟大黃用二錢

十九日

大黃 黃柏 連翹 羌活 苦參 荆芥 黃芩

各一錢 黃連 防風 防已 甘草 當歸 各八分 第二

十日如有白蟲從大便出藥與十九日同如無再加

白丑末虛弱者不加

二十一二日

黃柏炒 大黃蒸 苦參 羌活各一錢 連翹 防風

黃芩 牛膝 防已 獨活各八分 甘草五分 黃連一錢五分

二十三、四日

芍藥 羌活 黃芩 荊芥 牛膝 白芷 大黃

連翹各一錢 獨活 當歸 防已 桔梗各八分 甘草五分

二十五日

苦參 連翹 獨活 當歸 防已 桔梗 牛膝

芍藥各八分 防風 大黃各一錢 黃連七分 首烏一錢

川芎 甘草各五分

二十六七日同上

二十八日

首烏

芍藥

羌活

荆芥

防己

各一錢

川芎

當歸

桔桔

牛膝

白芷

苦參

防風

各八分

甘草

五分

二十九三十日同服此倘痕色不退再服此方

三四劑右藥三十貼俱水煎早晚服溫酒過

口如腸澀加大黃一錢

白玉蟾遺方

治痺麻諸風癰瘰爛癰腫危併

治痺麻諸風癰瘰爛癰腫危併

大麻雞爪躑曳、螻蛄冷麻等症。

防風 黃連 黃柏 苦參 牛膝 草烏 麻黃

紫風藤 荆芥穗 蔓荊子 升麻 川芎 大黃

當歸 藁本 山梔 右水煎服大劑十服、內竅俱

通、其外油光紫黑、疙瘡皆退、隨服丸方。

白玉蟾丸方 十五

川胡麻 川牛膝 木瓜 山梔 黃柏 蒼朮

明天麻 白蒺藜 各五兩 五加皮 風藤 羌活

苦參 當歸 各十兩 水銀 水菴硃 車米 麩包

射香

三錢

香蛇

兩

代赭石

醋煨二兩

新鮮丟子肉

四十兩此即大風子肉

先將大風子肉用水二十碗煮至二三碗濾干入臼搗爛以硃汞赭米四味共研不見星收磁器內用香燭花果供于八仙元壇神前忌婦女雞犬觸汚再將各藥末稱准以煮大風子汁加陳米糊丸如桐子大於卯午酉時各服三錢酒送下病輕者只服二錢或一錢五分至四五日反覺病凶口內齒根麻木精神恍惚過後漸痊面色紅活再不沉重惟要戒守則永不發

白玉蟾末藥方 十六 治癰瘰、軟痿、冷麻、困痺、大有奇功。

草烏 白朮 硃砂 細辛 雄黃 白芷 防風

蒼朮

各五兩

麻黃

半斤

川烏

一大個

右爲末，每服一錢，用葱

白頭七枚陳酒一碗煎滾送下，重者用二錢，先以藥湯洗，再進此藥，臨臥服，取汗避風。

白玉蟾浴湯方

十七

將各藥燒湯洗滌如爛者

日洗一二次

蒼耳子

防風

荊芥

馬鞭子艸

紫蘇

苦參

金銀花 白芷 遍地香 澤蘭

白玉蟾蒸法 十八

先以湯藥洗滌，再用蒼朮一觔、煎酒五六碗，將地鋪
桐柴，再用藥薦、蓆、糠四五斗、米醋十餘杓，拌勻蒸熟，
鋪在薦上，用蓆蓋糠，令人睡之上，以棉被蓋之，待出
臭汗，毒氣已盡，漸去衣被，須于無風處蒸之。

白玉蟾擦藥方 十九

白芷 草烏 南星 半夏 丟子 杏仁 白芨

白薇 蛇床 各等分 右爲末，手足及遍身有瘡塊成

瘡或冷麻者以生姜蘸藥擦之待皮活病退方止
當先用洗法次服末藥次又行汗法隨時擦之隔
三日再洗再汗再擦一連五六次如病不減不得
已方行蒸法劫之但丸方要服數年

大瓢李遺丸方

二十

治截蚝蛇皮刺風痒風雞

爪疙癢歷節等風併麻木冷痛手足屈折痛
痒不知痿癱癰腐爛危篤等症

琥珀

五錢

天麻

一錢

眞珠

冰片

硃砂

胆星

血竭

姜蚕

各二錢

蟬退

細辛

各四錢

川芎

羌活

防風各六錢 遠志五錢 茯神八錢 犀角三錢五分 菖蒲六錢五分

鍤粉三錢六分 雄黃 牛黃各四錢六分 蛇寒石醋煨四錢六分

白附子五錢二分 半夏四錢四分 射香 蘆薈 烏梢蛇各五錢五分

牙皂一兩 玉子霜半斤 青礞石煨四兩

右爲末酒糊丸桐子大每服一百丸空心酒送下

如覺恍惚困倦麻木委厥者以菴蓂蒼耳金銀藤

煉膏服之

大瓢李末藥方二十一 治男婦癰風癰瘰口眼歪

邪面如蟲行身痛如切或皮肉淫癢難忍久

而手足反張

當歸 防風 川芎 白芷 細辛 麻黃 荊芥

全蝎 天麻 藁本 雄黃 羌活 甘草 各五錢

硃砂 人參 白花蛇 大茴香 兩頭尖 各三錢

香蛇 七錢 川烏 草烏 蒼朮 各四兩

右為末每服五六分漸至一錢臨臥以無灰酒調服忌一切熱物或有汗麻木身癢乃藥力至也服此後用鳳仙花梗煎湯洗浴汗出為度

人參固本丸 二十二 治手足癱痛晝靜夜劇歷節

大風腰腿痛口眼喎邪

白朮 四兩

沒藥

沉香

各五錢

天麻

青皮

人參

白芷

各一兩

蒼耳子

二兩

烏藥

三兩

紫蘇

一兩

甘艸

五錢

右爲末酒糊丸桐子大每服百丸用後方煎藥送

下

煎方 二十三

白朮

桂心

防風

人參

柴胡

甘草

川烏

當歸

防己

芍藥

赤茯苓

姜棗煎服

孫思邈真人煎方

二十四

治核桃紫雲等風

防風 苦參 薄荷 芍藥 黃芩 連翹 山梔
知母 柴胡 大黃 麻黃 天麻 半夏 花粉
甘草 紫蘇 香附 白芷 當歸 羌活 加細
茶一撮煎服五六貼退斑十服效臨臥服忌見風
孫思邈真人丸方 二十五

牙皂 苦參 蒺藜 防風 當歸 荊芥穗

蔓荊子 牛蒡子 胡麻 各一兩 黃柏 三兩 白花蛇

丟子 各四兩 射香 二錢

右爲末黃米飯丸桐子大硃砂爲衣每服四十丸

日服三次清茶送下忌食鹽物止食淡鴨妙

遵遵張真人靈寶千年大藥二十六治三十六種

大風後人稱平分家產方

羌活 蒼朮 烏藥 風藤 防己 白芷 防風

大黃 五加皮 獨活 藁本 桔梗 草烏

柴胡 黃芩 明天麻 細辛 甘松 蔓荊子

白蒺藜 川續斷 芍藥 南星 大腹皮

皂角刺 薄荷各三兩 槐角 荊芥 升麻各五兩

紫萍 鬧羊花各二斤 麻黃 十斤 天雄 一箇 當歸 半斤

苦參皮二斤 紅花 玄參各六兩 仙靈脾 革薺各三兩

草烏頭四兩 用陰陽水各一桶春浸五日夏三秋

七冬九煎去渣煉成膏

人參 白朮 沉香 川芎 木香 乳香 牛膝

紅花 磁石醋煨七次 沒藥 香龜 血竭 松脂

姜蚕 檀香 安息香 雲母粉 梛香 驚管石

菴蓉各一兩 茯苓 雄黃 砂仁 青礞石 萎蕤

胡麻各二兩 蟾酥 射香各五錢 冰片 二錢 花蛇一條

人牙炙黃香五兩

右爲末以前膏和丸彈子大硃砂爲衣金箔包裹
遠年病服十丸近年病五七丸用麻姑酒磨服汗
出則病愈方中若加桑螵蛸原蚕蛾末各一兩
五錢尤妙

神效奪命還真丹

二十七

治三十六種風如癱麻

彈曳大麻啞風癰風立效

全蝎 姜蚕 黃芩 陳皮 熟地 肉桂 生地

蔓荊子 地骨皮 黃連 甘菊 防風 茴香

芍藥 知母 枳殼 柴胡 甘草 石膏 當歸

半夏各一兩 明天麻 木香 川芎 藁本 兔絲子

白朮 人參 獨活各一兩 羌活三兩 桔梗 麻黃

薄苛各二兩 細辛五錢 蛤蚧一對 茯苓二兩

右為末蜜丸彈子大金箔為衣每服一丸細嚼

中風癱瘓大風癘病茶酒下 遍身筋骨痛及心

氣痛不省人事熱醋湯下 頭風暗風茶下 驚

癇口吐涎溫酒下 婦人胎前產後經水不調香

附湯下 冷風寒濕氣頓抽掣走注叫號日夜不

安黑豆炒焦烹酒下 又有一方加射香牛黃冰

片更妙

東華玉髓 二十八 尹蓬頭真人傳以丟子油爲君

丟子生東夷島故以此名

大風子

依法取油四兩

沒藥

滴乳

血竭

各二錢

牛黃

一錢五分

射香

五分

阿膠

一錢

琥珀

珍珠

各三錢

雄黃

五錢

地龍

火炙去土七錢

冰片

三錢

芒硝

八分

右研末隔湯化油藥攪勻每服一錢內熱者柿餅

湯下內寒者花椒湯下平常者溫酒下其大風紫

黑委痺癱瘓攣屈喎邪臭爛危篤者不過一料全

愈須絕慾戒性避風忌一切腥鮮鹽物五辛諸毒
只宜食淡方能見效。紫雲風去牛黃芒硝加血
竭一錢乳沒各四分。雲顏成形不退腫起以艾
作小炷四圍團團炙每炙五七團泄其氣卽愈。
蛇皮風魚鱗風加白花蛇末一錢冰片二分有細
瘡垂癰同治。漏蹄白癰風加牛黃三分。臭加
水飛雄黃末三分五厘。冷麻風加羌獨活歸尾
各五分。瘦弱者去芒硝加人參五分地骨皮柴
胡各一錢。丙熱者加川芎白芍黃芩山梔各一

錢歸尾一錢五分

爛瘡用枯礬四兩、硫黃人言煨各一錢、花椒三兩、生礬五錢、蛇床二兩、共爲末、用猪油調敷、**手腿**

大爛不收斂、用黃占一兩、東丹五錢、膩粉二錢、乳香、沒藥、車米各三錢、桐油調、油紙攤貼、**爛瘡**用

蘆甘石五錢、龍骨三錢、乳香、沒藥、雄黃各五錢、研細乾摻、**風癰**用蛇床子、雄黃、砒等分爲末、醋調

青布包之、重重頻擦、**癰塊**用車米、硫黃各一錢

大風子一兩、樟冰、雄黃各二錢、爲末、以生芝蔴二

合炒黑研和如泥以生布包擦塊上四五日愈爛者不用其破者皆屬脾經毒已從破處出內服追毒則自愈

起疱者用相粉車米石膏乳沒等分

研末敷之

眉落者用荆芥防風白芷蟬殼天麻

首烏羌獨活各五錢丟子肉四兩牛旁子大黃各

六錢

眼赤加菊花五錢

兩眼痛丟大風子二

兩加全蝎七錢蜜丸桐子大臨臥以方中止去大

風子將各藥剉劑煎之送下五七十丸

生眉用

牙皂炒加射香少許雞蛋油調生絹包擦眉稜上

二十日可出。[黑斑]用皂角、鹿角、茺白附子等分爲末，姜汁調。惟金久脫，常州吳氏亦以此方得名。每油四兩，用乳沒六分，血竭二錢，芒硝八分，牛黃三分，服之雖效，總不如前方有奇功。如夏暑油不肯凍，不能成膏，以米仁炒熟研末加入爲丸服。餘時以藥放酒盞內，每日在飯上炖化服，以助胃氣。服至十日，其毒必追至手足處發出，或腫或瘡，卽將葦麻子、江子、丟子打成膏貼之，其臭水淌出，滋延敗惡不可聞。以菖蒲草根炒末，罨上卽乾。

癰如臭水流盡則愈急服補氣血藥三年方保全
生

神效追風丸

二十九

治癰麻疥瘡熱風乾風一切

危篤等症

當歸

麻黃

羌活

白朮

各伍錢

荆芥

二兩五錢

白芍

黃芩

姜蚕

川芎

各一兩

人參

三錢

蒺藜

胡麻

防風

各二兩

乳香

沒藥

各二錢五分

射香

四分

蒼參皮

六兩

大風子肉

四兩

右爲末黃米粉酒糊丸桐子大每

服五七十九早晚溫酒下

搜風四七丹 三十 治紫雲白癰紫癰等風

防風 川芎 當歸 芍藥 麻黃 各五錢 黃芩

山梔 連翹 白朮 甘草 薄荷 桔梗 全蝎

蟬殼 羌活 獨活 胡麻 乾葛 升麻 各六錢

荆芥 一兩 人參 三錢五分 牛膝 滑石 各一兩五錢 木香 七分五厘

射香 五分 石膏 八錢 大風子肉 半斤

右爲末黃米粉糊丸桐子大每服五十九空心酒

下茶亦可

神仙換骨丹 三十一 治鼓椎軟癱風乾癰癰麻委

困倦敗等症

大黃 白芷 槐花 川芎 防己各一兩 乳香

沒藥 木香 沉香各三錢 蒼木二兩 細辛 苦參各一

兩五錢 紫萍 三兩 射香 五分 草烏五錢炒 三錢生三錢 炒黑共一兩一錢

右爲末用去節麻黃半斤煎膏加蜜九彈子大約

重二錢硃砂爲衣每服一丸臨臥葱酒磨服避風

又一方去蒼射加當歸防風花蛇

大消風散三十二 治雞爪癢風脫跟魚鱗熱掌齧

齧載蛇癰風等症

防風 蒺藜 荊芥 苦參 各十兩 乳香 沒藥 各二兩

射香 五錢 當歸 黃柏 各半斤 黃芩 胡麻 各十兩

丟子肉 一斤煮一晝夜

先以一料去丟子沒射乳均作十貼煎服再用一

全料不見火爲末酒米糊丸桐子大辰午戌時各

服三錢溫酒下 如面上病重加白芷風藤蟬殼

各四兩升麻五錢 口眼喎邪加白姜蚕四兩

四肢重加羌獨活各四兩 如服此藥須用細辛

蒼耳草蒺藜草遍地香馬鞍子草煎湯不時洗浴

待汗透神爽方止久則脫愈

救苦回生丹

三十三

治歷節半肢紫雲啞風蠱風

乾風走注遍身寒濕麻痺癰瘡等症及中風

不語口眼喎邪

乳香

沒藥

當歸

川芎

各一兩五錢

五靈脂

松香

松香

自然銅

醋煨

威靈仙

各一兩

虎骨

炙

地龍

草烏

各五錢

天麻

七錢

全蝎

射香

各三錢

荆芥

白芷

苦參

各一兩二錢

番木別

炙

三十箇

冰片

三分

京墨

一塊

黑豆

二合炒

開羊花

五錢

姜蚕

六錢

右爲末糯米飯丸如龍眼大硃砂爲衣金箔飛裏
薄詩酒磨下一丸如昏迷則病愈若婦人血暈經
閉胎衣不下用炒焦黑豆淋酒服之如神

班龍八帥丹 三十四 治螻蛄蝦蟆癰腫等症

姜蚕 炒 花蛇 炙 香蛇 炙 蜈蚣 炙 蜂房 炙 川山甲 炙

金蝎 炙 蟬殼 鹿角 煨

右各等分爲末每服三四分酒下或以此藥加在
各方丸散中服之無不立效

奇效良丹 三十五 治雁來漏蹄冷風壁泥蛇皮一

切大風服之皆效

胡麻 木瓜 山梔 黃芩 牛膝 蒼朮 天麻

五加皮 蒼耳子 風藤 羌活 獨活 細辛

黃柏 葳蕤各五兩 苦參 當歸各十兩 麻黃 紫萸薤

防己 姜蚕 草烏各三兩 甘松 蟬殼 紫葳各四兩

乳香 沒藥 香蛇各二錢 代赭 磁石各二兩 醋煨

荊芥八兩 川芎一兩 五錢 丟子十二兩 射香一錢五分

右爲末蜜丸桐子大硃砂爲衣每服五十丸酒下

一粒金丹三十六 又名赤龍丸又名一錠金治遍

身躡曳魚鱗刺風遠年寒濕手足痿痛走注

叫喚者

射香

二錢五分乳香六錢

沒藥

當歸

各七錢

地龍

白膠香

各二兩

木別子

五錢

草烏

五靈脂

各二兩

京墨

線膠

麩炒

紫萍

各二兩五錢

右爲末用去節麻黃二兩煎汁煮大米飯九龍眼

大硃砂爲衣每服一丸酒下至黑汁從足底出乃

爲驗日進二服

搜風順氣丸

三十七

治軟癰風邪魅風熱風蠱風

併腰腿腹痛氣悶冷熱寒濕脚膝少力男婦
怯弱此能和三焦潤五臟厚腸胃中風者服
之大有功

製大黃 麻仁 山萸 山藥 枳榔 兔絲子

枳殼 防風 各三兩 牛膝 二兩 郁李仁 獨活 各一兩

車前子 二兩五錢

右爲末蜜丸桐子大每服百丸或酒或茶下壯精
神消百病癰瘰腸風並效

保真丸 三十八 治大麻邪魅半肢軟癱等風麻痿

痠疼不能動止者

人參 川芎 草烏 川烏 白芷 當歸 槐角

五加皮 羌活 獨活 紫背浮萍 防風 荊芥

首烏 枳殼 連翹 風藤 烏藥 杜仲 桔梗

肉桂 乾姜 姜蚕 石楠藤 甘草 芍藥

升麻 虎骨 花蛇 防已 各一兩 乳香 沒藥

沉香 各五錢 麻黃 去節二十斤

右爲末用麻黃煎膏丸每丸重五錢酒磨服一丸
神效避風爲妙

二八濟陽丹 三十九 治軟癱癰麻血風癢風乾風

冷麻半肢血痺驚掌風血枯氣敗等症

玄參 半斤酒漿 浸晒三次 苦參 一斤姜汁酒漿各浸 一夜晒炒末半斤 犀角

當歸 蒺藜 熟地 白芷 姜汁炒 獨枝防風

全蝎 去足土炒 牛旁子 乳香 沒藥 石楠藤 紅花

各二 甘草 五錢 姜蚕 炒去絲足嘴 一兩五錢

此藥前二味各八兩後十四味二十八兩共十六
味故名二八丹共爲末蜜丸桐子大每服四十丸
陳酒下日進三次

六神輔聖丸 四十 治疔瘡，雁來冷風，癢風，麻痺。

痛風

草烏 一斤白嫩者佳 麻油 一斤 甘草 半斤 荆芥 羌活

紫蘇 風藤 各四兩

用無灰酒煮一晝夜，另用一鍋煎滾汁浸之，方可擠去烏皮。如用冷酒浸，則烏皮擠不脫矣。將草烏擠淨，搗爛爲丸，每服二十丸，溫酒下。

四魔丹 四十一 治譫曳、顛風、蠱風、癰瘰、委頓者，神

效。

敗龜板微白 番木別麻油煮三 鬧羊花酒拌九蒸晒

蒼耳子炒 一斤 白蜜 一斤

右為末煉蜜和均入竹筒內掛當風處七日後初

次服五分三四日服六分漸加至一錢空心燒酒

下

火龍散四十二 治脫眼蛇皮魚鱗漏蹄核桃癰爛

麻木委敗等症神效

人牙一兩 雄黃 辰砂 大黃酒蒸 代赭石醋煨各

共為末每服三錢臨臥用防風荆芥煎湯洗浴熱

酒送下卽睡，則皮內毒蟲追出肌膚，然後用雄黃、硫黃、硃砂、代赭石、車米各等分研末，香油調重擦遍身，捷愈。

東靈丹

四十三

治核桃壁泥、截蚝、白癰、鼓椎等風。

丟子

半斤

防風

荆芥

牛旁子

苦參

首烏

風藤

各三兩

桔梗

枳殼

川烏

草烏

香附

大黃

黃芩

木賊草

白附子

角刺

兩頭尖

白芷

檳榔

烏藥

石膏

薄荷

滑石

山梔

芒硝

葶藶

木通

木香

沒藥

胡黃連

車前子

黃柏

各一兩

甘草

蒺藜

羌活

天麻

白朮

柴胡

菖蒲

藿香

蔓荊子

天花粉

姜蚕

厚朴

陳皮

梔本

威靈仙

遠志

麻黃

枸杞

甘菊

蟬殼

血竭

乳香

各二兩

胡麻

四兩

梧桐皮淚

黃連

花薺石

辛夷

射香

青皮

各五錢

牛黃

一錢

冰片

五分

右爲末棗肉丸菴豆大每服五七十九春白湯夏

茶秋鹽湯冬酒下忌油膩生冷

小棗丹

四十四

治驚掌風刺風癰風

防風 姜蚕 首烏 全蝎 羌活 獨活 芍藥

威靈仙 生地 蔓荊子 牛旁子 苦参 胡麻

大黃 黃芩 各二兩 枸杞子 薄苛 南星 天麻 各二兩

荊芥 柏枝 山梔 各四兩 炙甘草 五錢 白朮 一斤

孟子肉 一斤 兩頭尖 一錢要大者為生

右為末 棗肉丸 桐子大 每服六十丸 薄苛湯下

守中丸 四十五 治雁來鼓槌 核桃 紫雲 水風此係

山西張守中所用故名之

防風 荊芥 苦参 連翹 各二兩 當歸 胡麻

牙皂

蔓荊子

蒺藜

牛旁子

各三兩

白芷

甘草

硃砂

各五錢

羌活

獨活

各一兩五錢

陳皮

黃芩

胡黃連

山梔

升麻

天麻

各一兩

乳香

沒藥

牛黃

一錢

射香

三分

冰片

三分

右爲末米糊丸每服三錢鹽湯下

祖傳玉樞丹

四十六

治白癰螻蛄癰風

苦參皮

荊芥穗

當歸

元參

蒼朮

各八兩

烏藥

羌活

川胡麻

藁本

白芷

防風

白蒺藜

川芎

獨活

麻黃

蒼耳子

甘草

各四兩

紅花

牛旁子 天麻 姜蚕 風藤 薄荷各三兩 草烏

半夏 貝母 桔梗 大黃 萎蕤各一兩 射香二錢

牛黃一錢 木香 檀香 沉香 乳香 沒藥

血竭各一兩五錢 琉璃灰二兩 桑螵蛸一兩 銀柴胡各

不見 蚕蛻 玄明粉 秋石 蘇木 夏枯草 虎骨

旱蓮草 犀角各二兩 仙靈脾一兩五錢 大風子肉四兩

右爲末陳米糊丸桐子大硃砂爲衣用後煎藥送

下百丸早晚服如怕服煎藥以酒代之在密室中

睡三四時方可行動

煎藥方

四十七

水煎送前九藥

黃芩

大黃

羌活

獨活

防風

防已

連翹

黃柏

桔梗

荊芥

當歸

山梔

木通

白芷

甘草

半夏

紫蘇

薄荷

升麻

麻黃

川芎

烏藥

補舊湯

四十八

又名救苦湯

治飢饉壁泥血痺

血風

苦參皮

一錢五分

牛蒡子

人參

首烏

山梔

各一錢

姜蚕

白蘇皮

防風

連翹

天麻

蔓荊子

黃芩

各五分

全蝎

黃連

甘草

各四分

薄荷

羌活

獨活

荊芥

各三分

乾葛

黃柏

各七分

威靈仙

茯苓

各八分

仙靈脾

怯弱者加五分

先用酒煎十貼服再用水煎須儘量飲酒服至百貼其眉鬚復生腫塊漸退手足痿頓者有力須戒色省勞避風忌口方能有功再以每味加十倍爲末再加乳香沒藥血竭沉香各一兩冰片牛黃各一錢射香二錢用米仁糊丸桐子大硃砂爲衣每服百丸酒下三年身固絕根臨服時每服加威靈

仙末三分、速

神釀丸 四十九 治歷節痛風筋骨走痛

蒼朮 八兩 草烏 三兩 杏仁 川芎 白芷 半夏 各三兩

右剉片用姜二斤葱一斤搗汁拌濕以藥鋪入瓶內封好埋土中春三夏五秋七冬九日取出晒乾加猴姜木香牛膝紅花各二兩當歸草薺茄根各四兩共爲末老酒糊丸桐子大每服六十丸酒下日進三次神效 又一方有乳香沒藥射香地龍各五錢尤奇

神守散 五十 治蛇皮、魚鱗、邪魅、癢風、顛風一切

危急之症

番木別用釧刀刮去粗皮。將麻油入瓦礮內煎滾。漸投下木別煎之。待三沉三浮。發泡焦黃。取出晒乾爲末。每服一分。臨臥白湯下。避風待汗乾方可起。服至百日。眉生指直。斑退。癰消。瘡斂。如病熱反增。乃內毒發出甚妙。此方亦治痰火。服之則痰從兩脇滾下。又治顛癇。量人強弱服。一方藥末一兩。加甘草末五錢。更妙。如藥力凶。以黑豆湯解之。菜豆湯亦可。

雄漆丸 五十二

嚴漆 一兩 蟹黃 五錢 拌勻晒。漸去面上汗水待盡。又加水飛雄黃牙皂末。各五錢爲丸。不可見日。晒則不乾。每服三分。溫酒下。

參胡丸 五十二

隔年純白鷺一隻。男用雄。女用雌。掃其毛。不可失一根。炒爲末。用苦參皮一斤。酒煮爲末。黃米酒糊丸。桐子大。每服百丸。空心酒下。服完病愈。

吳氏苦參丸 五十三

此方胡僧傳於車塘吳氏。今

以養生一料共三十六觔治三十六種風病
不知其由

苦參 十斤 草胡麻 九斤 防風 荊芥 蒺藜 各五斤

丟子 二斤 俱生用爲末酒水爲丸每服一二合日

進三次似覺傷人臟腑姑集之以備叅攷能治漏
蹄蠼螬蝕齧脫跟疔瘙等風惟黑色痿爛併初起

年少者服之方好若久病血衰氣弱老年俱不宜服

調榮丸 五十四 治大麻癰麻譫曳啞風顫風諸癰

川芎 蘇木 丹皮 蒲黃 乳香 沒藥 草烏

血竭 烏藥 菖蒲 黃芩 益母草 生地

各一兩

敗龜板 夏枯草 熟地 枸杞 當歸

各四兩

阿膠 苦參 菴蓉 知母 地骨皮 人參

各二兩

各一兩

兩五 瑣陽 五錢 牛膝 銀柴胡 藁本 升麻

各三兩

桃仁 芍藥 柴胡 紅花 右爲末蜜丸

各一兩二錢

桐子大。卯午酉時各服百丸。乳酪湯下。

大定風丸 五十五 治痛風麻痺寒濕走注疼痛

南星 白芍 木瓜 官桂 甘草 荊芥 川烏

姜蚕 白芷 牛膝 當歸 栝榔 天麻 人參

首烏 各一兩 五錢 羌活 桔梗 獨活 白朮 防已

全蝎 木香 半夏 厚朴 杜仲 黃芩 各二兩

陳皮 枳實 麻黃 各三兩 白附子 防風 各二兩 五錢

蒼朮 一斤 川烏 一兩 乳香 沒藥 沉香 血竭 各五錢

右為末酒糊丸桐子大每服七十丸酒下

駐車丸 五十六 治歷節痛痺寒濕脚氣抽掣

獨活 川烏 沙參 生地 蒺藜 白芷 木瓜

海桐皮 各五錢 米仁 羌活 防風 細辛 甘草節

牛膝 各一兩 右為末用五加皮浸酒煎汁為糊丸桐子

卷之三 大定風駐車如意通聖散 三

大每服七十丸酒下

如意通聖散 五十七 又名麻黃赤芍湯 治白虎

慄節痛風寒濕手足不能舉渾身走注抽掣

叫號等症

罌粟殼 香 丁皮 麻黃 赤芍 防風 荆芥

當歸 川芎 羌活 獨活 白芷 甘草 黃芩

威靈仙 草烏 炒黃 桔梗 葛根 各二錢五分 入乳香沒

藥末各三分煎熱服蓋被取汗如病在眉背上加

白芷末二錢如用乳沒芷末待煎好冲服

八將驅邪散 五十八 卽八將追覓丹 又名三厘

散 治大風癰爛敗症

射香 三分 川山甲 炙一兩 蜈蚣 炙去頭足三錢 土狗 炙 地龍 炙

番木別 酥炙 金鼎砒 雄黃 各五錢

右爲末每服三厘溫酒下服七日停七日服退藥一月又服之如人素弱只服三日就服退藥五日服補藥三日再服之不然使人牙齒浮爛昏潰疲敗飲食不進幾于無救矣

退藥 五十九

乳香 沒藥 血竭 硃砂 當歸 元參 胡麻

桑寄生 牛黃 沉香 各等分爲末蜜丸服

補藥

六十

桑螵蛸 晚蚕蛾 銀柴胡 仙靈脾 牛膝

防己 紅花 破故紙 柏子仁 天冬

右爲末蜜丸桐子大每服五十九酒下日進二次

陽起聖靈丹 六十一 治痛風不舉伏床者

當歸 枳殼 川芎 各四錢 虎骨 酥炙 牛膝 木瓜

生地 桑寄生 補骨脂 天花粉 烏藥 麻黃

陳皮 山藥 蒼朮 自然銅各二錢 赤芍 姜蚕

白芷 桔梗 黃芩 紅花 黃芪 甘草

陽起石 龍泉香各三錢 防風 荆芥 連翹

風藤各一兩

右為末用不見水鷲掌二隻酒煮焙乾又用狗蹄四隻燒灰用鷲血煮酒各半碗不見水狗血一碗加麩少許為丸桐子大用葱酒送下七八十九早晚服一月全愈

鐵庵丹 六十二 治諸般風症

大風子

一斤用麻黃開羊花各四兩酒煮一晝夜

苦參皮

酒拌九蒸晒一斤

荆芥穗

淨末一斤

白蒺藜

微炒一斤

狗虱胡麻

微炒淨末一斤

春加柴胡

升麻

川芎

藁本

各四兩

夏加桔梗

黃芩

半夏

銀柴胡

各四兩

秋加石膏

甘草

元參

當歸

各四兩

冬加知母

生地

五加皮

地骨皮

各四兩

心經加茯苓

硃砂

遠志

山萸

蒲黃

當歸

各四兩

肝經加荆芥

白芷

風藤

羌活

白芍

甘草

地黃

各四兩

脾經加

荆芥

白朮

陳皮

蒼朮

獨活

乳香

沒藥

血竭

各四兩

肺經加天麻

桔梗

半夏

貝母

柴胡

沙參

巴戟

胡麻

各四兩

腎經加黃柏

知母

茯苓

當歸

升麻

草烏

甘草

各四兩

胃經加枳殼

藿香

蒼朮

半夏

厚朴

柴胡

益智 草果

白豆寇

各四兩

右爲末酒糊丸桐子大每服百丸溫酒下日進三次

保命丹

六十三

若參皮

荆芥穗

羌活

蒺藜

胡麻

明天麻

風藤

元參

獨活

連翹

白芷

厚朴

紫葳

牛膝各四兩 蒼朮 烏藥 桑本 麻黃 甘草

紅花 蒼耳子 川芎 升麻 薄荷 半夏

牛蒡子 木瓜 姜蚕 桔梗 大黃 蒲黃

巴戟 防風 草薺 蟬殼 牙皂 全蝎 續斷

蔓荊子各二兩 石斛 二兩 甘松 猴姜 菖蒲 草烏

貝母 木香 檀香 沉香 銀柴胡 柏子仁

硃砂 浮香 沒藥 遠志 元明粉 血竭

雄黃各一兩 射香一錢五分 牛黃一錢 秋石一兩 黃芽二兩

手足攣痛加姜莖半斤 香蛇一條 陽痿加仙靈脾六兩

身浮腫加白花蛇一條紫萍八兩黑斑加廣零陵香

地骨皮血見愁各四兩眼赤爛加珠粉知母

胡黃連各四兩破音加木通十二兩呵子六兩

布為末用甘草膏和陳米糊丸桐子大每服八十

丸酒下日進三次

搜風無價丸六十四治諸癰風

全蝎四兩苦參三兩防風當歸川芎各三兩蟬殼

荆芥羌活各二兩柴胡獨活牙皂各二兩

丟子十兩

右不見火爲末。早赤米糊丸。桐子大。土硃爲衣。每服五十丸。茶酒俱可下。

八仙丹 六十五 治新久一切大風

巨勝子 麻黃 苦參 荆芥 防風 獨活 各十

大風子肉 八兩 蒺藜 四兩

右晒爲末。赤米糊丸。桐子大。土硃爲衣。每服七十

丸。茶下。

射老九 六十六 治癩風變形敗體一切惡症

蟬殼 當歸 柴胡 荆芥 各二兩 苦參 三兩

五錢

五錢

防風 三兩 全蝎 四兩 川芎 一兩 獨活 一兩 羌活 二兩

五錢 六錢

石晒爲末。每藥末一兩。加大風子肉一兩六錢爲末。赤米糊丸。桐子大。西洋珠爲衣。每服八十丸。白湯下。日進三次。三日後。其腿下黑紫塊上汚皮漸好。十日後。卽服利藥一次。每月利三次。

利藥方 六十七

江霜 一錢 牙皂末 三錢 飯丸 藟子大 每服二丸 白湯下

小還丹 六十六 治癩風眼爛昏花眉髮禿落鼻梁

崩倒肌膚瘡癬穢破臭惡癰爛勢危不救者

可用。

皂角刺

三斤酒拌濕大火蒸半日取出晒乾

白鷺毛

一隻微火炒

苦參

酒浸一日夜打取皮半斤

右爲末。用大黃煎酒打糊。九桐子大。每服三十丸。

酒下。服至旬日。眉髮生。肌膚潤。眼目明。一料全愈。

六和定風散治癱瘓風寒濕痺。歷節白虎等

風。

蒼朮

四兩

草烏

二兩

杏仁

一兩一錢去尖皮

當歸

牛膝

各四錢

乳香

沒藥

各一錢

以生姜胡葱搗自然汁各一碗。浸蒼朮。待蒼朮泛。

白晒乾。又加去節麻黃末一兩。每服三四分。酒下。重者五六分。其病根從元府汗中泄盡愈。

轆轤丹

七十

治大風惡癩。手足筋攣屈曲癰瘡。

者。

細辛

川芎

黃芪

防風

金毛狗脊

菖蒲

獨活

丹皮

牛膝

米仁

各一兩

山藥

葇耳實

當歸

巴戟

秦羌

各二兩五錢

藁本

漏蘆

牛旁

天麻

虎骨

各二兩

菱蕤

三兩

右爲末。酒糊丸。桐子大。每服五十丸。酒下。以粗藥。

末加柴胡煎湯浴

長春丸七十一治風癰困頓者

苦參 獨活 荆芥 蒺藜 紫萍 蒼朮

風藤各六兩 木通三兩 草烏二兩 大風子一斤

巨勝子十二兩 仙靈脾四兩
俱不見火

右爲末水滴丸每服五十九茶下

固命丹七十二又名飛步丹治風癰既愈之後氣

血虧敗過服剋伐藥未免神枯陽痿憔悴昏
倦腰脚痠軟四肢不暢服此可使如舊無病

人五十以外者若常服延齡却病行步如飛

妙難盡述

人參

熟地

各四兩

枸杞

麥冬

各六兩

白茯苓

當歸

各一斤

仙靈脾

取葉一斤去毛酒拌蒸

右爲末蜜丸桐子大每服四十丸米湯酒俱可下

如陽痿不起加眞陽起石原蚕蛾各四兩甚妙

五子芥風丸

七十三

治大風症

胡麻子

蒺藜子

車前子

澄茄子

大風子

荆芥

防風

各二兩

右爲末酒糊丸桐子大每服百丸或茶或酒下

順氣散

七十四

治風癘之人元氣枯滯鬱悶不寧

常服之清爽

陳皮

桔梗

白芷

甘草

枳殼

川芎

各二兩

姜蚕

麻黃

乾姜

烏藥

各一兩

右爲末每服三錢姜棗湯下

二九還元丹

七十五

治風癘危篤惡症

胡麻

苦參

荆芥

各半斤

防風

升麻

羌活

獨活

各二兩

風藤

木通

黃柏

當歸

白芷

各四兩

柴胡 三兩

姜蚕

一兩五錢

蟬殼

川芎

各一兩

蒺藜

二兩五錢

大風子

十二兩

右爲末酒糊丸桐子大。硃砂射香爲衣。每服五十丸。溫酒下。日進三次。避風戒色。

二聖散

七十六

治癘風痿癰

大粉草

大柴胡

各等分爲末。每服三錢。或酒或

湯下。日進三次。服至百日。自然病愈。

戒止丸

七十七

治穢爛黑腫臭惡癘風

荊芥

白芷

防風

各十兩

苦參

一斤

丟子

八兩

白蒺藜

胡麻

牛旁子

各十兩

當歸

紅花

川芎

各四兩

鬧羊花

四兩酒蒸晒二次

右爲末。酒糊丸。桐子大。每服百丸。早晚茶下。腹中響動不安。兩三時卽定。

參靈丸

七十八

治大風腫爛。癰瘻。抽掣。困頓。大有

奇功。

苦參

一兩

荆芥

防風

牛膝

威靈仙

各四兩

蒺藜

胡麻

各一兩

丟子

八兩

鬧羊花

五錢

右爲末。黃米糊丸。桐子大。每服六十丸。白湯下。日

進三次

烏龍丸

七十九

治癩風遍身瘡癬瘍疥腫爛臭惡服此消風散熱利隔化痰又治肺氣不和能推陳致新去腸垢滌臟腑穢毒大有功

肥皂角刮去皮筋子水浸槌爛絞去渣取汁入瓦器煎膏用黑丑末共搗爲丸桐子大每服五十丸白湯下如氣虛者服二三十丸無病之人氣若實服一兩利用三五次不傷正氣身體輕健肌膚光澤永無風痰疥癬

洞虛丹

八十

治惡風麻木走注抽痛者

藥本

天麻

川芎

細辛

各一兩五錢

牛膝

羌活

各三兩

大風子

四兩

蟬殼

胡麻

防風

獨活

姜蚕

荊芥

蘇木

風藤

石膏

蒺藜

山梔

芍藥

菖蒲

石蚕

黃芩

連翹

草烏

紫萍

升麻

紅花

麻黃

白芷

石斛

當歸

威靈仙

各二兩

右爲末。酒糊丸。桐子大。每服百丸。用羊躑躅草根

一觔。四兩。打碎。以酒二十觔煮。去渣。每以一盃送

下。一月病愈。忌食鹽物。

清平丸

八十一

治大風中風跌撲打傷咽癰等症

有歌爲證

天生靈草無根幹

不在山間不在岸

始因飛絮逐風飄

泛梗青青浮水面

神仙一味去沉疴

採時須是七月半

癰麻疼痛立時消

寒熱瘡瘍及癰瘰

任從癰癰暴中風

些小微風都不算

黑淋酒化服三丸

鍍幘頭上也出汗

七月上旬採河中紫背浮萍晒乾爲末每觔加草烏

萎蕤

風藤

麻黃

各二兩

射香

二錢

共爲末。蜜丸。彈子大。以草烏煎酒磨服。一丸。重

者。以烏頭煎酒磨下。輕者。以黑豆炒香。烹酒磨服。

薺薺丸

八十二

治肝腎風氣。四肢麻痺。骨節痠疼。

腰膝無力。癰風痿爛。濕痰中風。口眼喎邪。手

足屈曲。癱瘓等症。

於五月五。六月六。七月七等日。採薺薺草葉。拭去毛沙土。曝乾。以老酒拌蜜。酒層層和洒。以柳木甑蒸透。晒乾。共九次。加乳香。沒藥。沉香。檀降木。眞射等香。當歸。

血竭各等分共爲末蜜丸桐子大每服三錢無灰酒下神効

胡麻丸 八十三 治大風大癘中風乃風科之妙方

胡麻 一片 苦參皮 五斤酒浸七日 荆芥穗 四斤 蓆蓆草葉 淨

蒼耳草葉 淨三斤 紫背浮萍 二斤蒸透曬乾 先將蓆蒼二味

蜜拌蒸一伏時曬乾後共爲末酒糊丸桐子大硃

砂爲衣每服百丸茶酒俱可下日進三次

獨聖散 八十四 治鼓椎風手指攣癰足趾腫爛脫

落腿肘曲折腫痛難忍

蓖麻子肉

二兩碎者不用

黃連

二兩

同貯瓶內加水浸之春

五夏三秋七冬九日取出每晨朝東南方以瓶中水

一鍾吞蓖麻一粒漸加至四五粒若微泄無妨如手

指足趾節間腫疼諸病即愈戒食動風辛辣毒物

跨鶴丹

八十五

治雞爪風

五加皮

海桐皮

川烏

川芎

赤芍

各五錢

乾姜

肉桂

各一錢

右爲末每服三錢用水二盞將青錢一個入清油

浸三日同煎服

靈芽薤珠

八十六

治爛風痿頓臭惡瘡瘡

人蛆以水養淨再以濃茶養三日夜炙香爲末每兩加射香一錢酒糊丸彈子大每服一丸熱酒磨下眩暈周時自醒病若脫去重者五七丸全愈

雄漆丸

八十七

治爛風瘡穢臭惡者

透明雄黃水飛淨

八兩

淮熟地

八兩

乾漆灰

一兩

右爲末醋糊丸桐子大每服七十丸酒下服藥一料全愈

蓬萊棗

八十八

治癰疽痿爛臭惡困頓者

北紅棗

一斤取肥大不破者

五臺草

取自然汁十碗一名貓兒眼又名濃灌草

透骨草

即馬鞭草

左纏藤

即金銀花

夏枯草

透天龍

即茜草

土風藤

即九龍草

蒲公英

各取汁一碗

黃花根

一兩

右各草於二月中旬收採加白酒漿二碗入砂鍋

內文火慢煎汁盡用千年葉川椒煎湯洗去棗上

泥陰乾如病人手指攣癰屈倒五年者服二觔十

年者服四觔二十年者不治服時要在靜處避風

端坐養神先吃一個三日外增三枚五日外增五

枚常服之仍以扁柏川椒湯洗手外用沉香射香

末爲衣更妙。其煮過棗汁爲瘡疽圍藥極好。或以金銀花簾蒸晒爲末和丸。外科服之甚妙。風科服之亦好。

聖散子 八十九 治諸風痿困攣曲臭惡危爛者

開羊花根 老酒拌九蒸晒 釭岸 卽玢近要多年露天者 人牙 炙

雄黃 水飛各八錢 牛黃 一錢二分 蟾酥 三錢 硃砂 五錢 射香 一錢

右爲末。每服四分。沙糖調。溫酒下。

花龍丸 九十 又名混元丹。治風濕腰背以下腿

肢癱瘓。寸步不能。日夜抽掣。伏床不起。

蒼朮

四兩

黃柏

酒浸炒

靈殼

酥炙

牛膝

當歸

草薺

防已

茄根皮

各一兩

右爲末。酒糊丸。桐子大。每服百丸。姜鹽湯下。

白龍丸

九十二

又名捕龍丹。治風濕腰跨以上肩

背大痛。肘膊彊軟。匙筋難舉。偃僂脊高。

乳香

沒藥

川烏

草烏

地龍

南星

各等分

右爲末。酒糊丸。每服四十丸。或酒或荊芥湯下。服

至四兩。除根外。以石楠葉煎湯洗沃。

香身丸

九十二

治大風腥臭穢人不能近者。

白芷 香附 當歸 桂心 檳榔 益智

甘松 各三兩 檀香 二兩 射香 韶腦 各五錢 木香

沉香 松子 各二兩 香蛇 二兩

右為末甘草膏丸桐子大臨臥含化五丸大能祛症

大衍丸 九十三 治諸風癱痿變形脹腫困敗者

羌活 當歸 白芷 防風 紛草 連翹 熟地

牛旁子 姜蚕 各二兩 蒺藜 六兩 玄參 半斤酒拌晒

苦參皮 一斤酒浸 右為末酒糊丸桐子大每服百

丸滾湯下日進三次外用 甘草 黃柏 荆芥

苦參 槐頭 椿頭 防風 大風子殼 葱煎湯洗浴

仙花膏 九十四 治大風惡症神効

開羊花

八兩酒蒸九次

蒼耳子

八兩炒

敗龜板

煨白如霜二兩

番木別

酥炙二兩

右爲末用蜜一觔熬去水氣調之入竹筒內

掛當風處病人初起酒服五分弱者服一二分不飲酒者沙糖調下

水製黃香丸

九十五

又名黃龍丸治諸風危困無

藥可治將斃者

船上硫黃黑色者曰雌黃色者曰雄各半打碎溶化傾入醞醋內。

取出裡面牛油取淨者一觔用竹筒一箇削去青入

硫在內以蠟封口投入無水糞坑中浸一年取起放

長流水中四十九日明亮松香溶化加燒酒煮六

七沸傾入冷水內抽扯去內苦黃味再煮再抽一連

七次拔淨細白無腳方用三兩茅木米泔浸刮去粗皮用白淨

者一紫檀香茅香俱不白膠香川烏炮去川芎

各四惡實頭末草烏炮去明天麻各三一方加地龍

二兩各黃龍光右為末陳米糊丸梧子大每服五十九滾

藥圖元按 卷三 大衍九仙花膏黃龍光 四

湯下。如皮膚發熱。加番木別五錢。以麻油煮熟。忌猪肉房事。

治驚掌風雁來風方

九十六

銀杏肉打爛。搓擦如乾。摸去查。不可水洗。再加冰片。射香各三分。研勻。桐油調塗上。以艾火薰之。

又方

用真平胃散。桐油調塗。于炭火上薰之。頻塗頻薰。

又方

用烏骨白雞。勿使犯雌。另竈一處。收其糞。曬乾。加入

蛇床子末煎湯入瓶內薰之待溫卽洗 一方加雄黃皮硝尤妙。

又方

用蒼朮 艾 煎湯瓶內薰之俟溫洗之

又方

水銀三錢鉛二錢化開投入水銀爲末用硫黃三錢研細將茄蒂蘸擦 一法以滴瀝洗二三次則愈

白癰風方

九十七

用麻油半觔生柿柁兩箇打爛和勻入鍋內熬黑去

渣點在患處自變好肉

三分散

九十八

治諸惡風痿困癱爛危篤者

開羊花

酒拌九蒸晒

用生漆每兩加樟冰二錢雄黃二錢

攪勻隔湯炖化拌蒸晒乾又以茜草根搗汁拌蒸晒乾爲末每兩加雄黃三錢射香五分蟾酥二錢研勻每服三分沙糖調溫酒下半日不可見風

四物湯

九十九

川芎

當歸

白芍

大生地

人參敗毒散

一百

人參 羌活 獨活 前胡 柴胡 荆芥 防風
桔梗 川芎 枳殼 茯苓 生甘草 生薑
大棗

補中益氣湯 一百零一

升麻 柴胡 人參 黃芪 當歸 茯苓
白朮 炙草 薑棗

解圖元藏卷三終